

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-228-4/23**

Datum: **23.06.2023. godine**

«Agencija za vodno područje rijeke Save» Sarajevo rješavajući po zahtjevu korisnika Javnog komunalnog preduzeća "VODOVOD" d.o.o. Cazin za izdavanje vodne dozvole za zahvatanje vode na izvoristu "Ljubijankići" za potrebe snabdijevanja vodom potrošača na području Grada Cazina, na osnovu člana 109. stav (1) tačka 1., člana 139. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola Javnom komunalnom preduzeću „VODOVOD“ d.o.o. Cazin za zahvatanje vode za potrebe snabdijevanja vodom potrošača na području Grada Cazina sa izvorišta Ljubijankići, izdašnosti 80 l/s.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da korisnik predmetnog vodozahvatnog objekta za isti pribavi naknadna akta o građenju u skladu sa važećom zakonskom regulativom.
 - 2.2. Da se u toku važenja ovog rješenja, a na osnovu člana 66. stav (1) i člana 68. stav (2) Zakona o vodama, a u skladu sa članom 11. stav (2) i članom 13. stav (1) Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine F BiH“, br. 88/12) odrede zone sanitarne zaštite te donese Odluka o zaštitnim zonama i zaštitnim mjerama izvorišta Ljubijankići.
 - 2.3. Da korisnik predmetnih vodozahvatnih objekata iste održava u funkcionalnom stanju i koristi u skladu sa njihovom prirodom i namjenom, u skladu sa uslovima iz ove vodne dozvole, Općim aktom o održavanju, korištenju i osmatranju vodnih objekata i postupanju u slučaju kvara ili havarije, donešenim od strane JKP „VODOVOD“ d.o.o. Cazin, broj: 5-43/10, dana 16.09.2010. godine te uvjetima propisanim drugim aktima, saglasnostima, odobrenjima, zakonskim i podzakonskim aktima, normativima, i slično.
 - 2.4. Da se korisnik vodnih objekata brine o čuvanju vodnih objekata i uređaja na njima od slučajnog ili namjernog oštećenja ili uništenja.
 - 2.5. Da korisnik predmetnog vodozahvatnog objekta ugrađene mjerne uređaje za evidentiranje zahvaćenih količina vode održava u ispravnom stanju, odnosno redovno vrši baždarenja mjerača protoka u skladu sa propisima o mjernim uređajima.
 - 2.6. Da korisnik predmetnog vodozahvatnog objekta vrši mjerenje količina zahvaćenih voda i o tome vodi evidenciju na propisanim obrascima, da podatke o tim mjerenjima unosi u propisane mjesečne izvještaje i iste redovno dostavlja ovoj Agenciji, a sve u skladu sa Pravilnikom o sadržaju i načinu vođenja evidencije i dostavljanja podataka o količinama zahvaćene vode («Službene novine Federacije BiH», broj 83/08).
 - 2.7. Zahvaćena voda mora da zadovoljava standarde propisane važećim Pravilnikom o higijenskoj ispravnosti vode za piće («Službeni glasnik BiH», broj 40/10, 43/10, 30/12 i 62/17).
 - 2.8. Da korisnik predmetnog vodozahvatnog objekta obezbijedi stalni i sistematski pregled vode od strane ovlaštene laboratorije, u skladu sa članom 48. stav. 3 Zakona o vodama, te poduzme sve potrebne mjere za osiguranje zdravstveno ispravne vode za piće, odnosno da obezbijedi tehničku ispravnost ugrađene opreme (crpke, vodomjeri, zatvarači, klorinator, itd.).
 - 2.9. Da se, ukoliko se redovnim ili vanrednim analizama kvaliteta vode utvrdi da ista ne zadovoljava uslove vode za piće propisane Pravilnikom o higijenskoj ispravnosti vode za piće, vodovodni sistem isključujući iz upotrebe, odnosno blagovremeno i na adekvatan način obavijeste krajnji potrošači da voda nije za piće.

- 2.10. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o zdravstvenoj ispravnosti vode za piće.
- 2.11. Da se uredno vodi dnevnik rada u koji će se unositi podaci o postupku hlorinacije i potrošnje svih hemikalija, da se isti skladišti samo u prostoriji hlorne stanice te da se vrši redovna kontrola uskladištenih hemikalija i obezbijede svi potrebni uslovi u cilju sprečavanja zagađenja površinskih i podzemnih voda uskladištenim materijama.
- 2.12. Da se u skladištu hemikalija, dozir stanici i/ili na mjestima pretakanja hemikalija obezbijedi adekvatan apsorber za prikupljanje hemikalija u slučaju incidentnog izlivanja. U skladišnom prostoru i na mjestima pretakanja nije dozvoljeno postojanje podnih slivnika.
3. Korisnik objekata treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjerenjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170. stav (1) tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).
4. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
5. Ukoliko prilikom upotrebe vodozahvatnog objekta za koje se izdaje ova vodna dozvola dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. Ova vodna dozvola, shodno članu 117. stav 1. Zakona o vodama (Službene novine Federacije BiH», broj 70/06) se daje sa rokom važenja od dvije (2) godina, od dana pravosnažnosti ovog rješenja.
7. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole. Uslov za izdavanje nove vodne dozvole je ispunjenje uslova pod tačkom 2. ovog rješenja.
8. Za izgradnju novih ili rekonstrukciju ili uklanjanje postojećih objekata i postrojenja te promjenu uslova zahvatanja vode u zoni vodozahvata Pajića potok, ako bi se time uticalo na promjenu kvaliteta i kvantiteta voda odnosno ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
9. Ovo rješenje se može izmjeniti ukoliko za to nastupe razlozi utvrđeni u članu 130. Stav (1) tačka 1. 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Javno komunalno preduzeće "VODOVOD" d.o.o. Cazin, obratilo se ovoj Agenciji dana 22.05.2023. godine zahtjevom broj: 05-19-02-11/23, za izdavanje vodne dozvole za zahvatanje vode sa izvorištu "Ljubijankići", za potrebe snabdijevanja vodom potrošača na području Grada Cazina.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji, izdano od strane Općinskog suda u Bihaću dana 27.05.2008. godine pod brojem 017-0-Reg-08-000308;
- Ovjerena kopija Uvjerenja o registraciji obveznika poreza na dodanu vrijednost; izdano od strane Uprave za indirektno-neizravno oporezivanje Bosne i Hercegovine, pod brojem 04/5-1/I-17-1035-7285/05, dana 12.11.2005. godine, u Banjaluci,
- Ovjerena kopija Uvjerenja o poreznoj registraciji; izdano od strane Federalnog ministarstva finansija – Porezne uprave – Kantonalnog ureda UNSKO-SANSKOG, dana 14.07.2005. godine;
- Kopija naloga za plaćanje upravne pristojbe,
- Kopija rješenja, kojim se daje vodoprivredna saglasnost, Investitoru – Općini Cazin – Komunalno stambenom fondu općine Cazin, za izgradnju vodovodnog sistema „Ljubijankići“, radi snabdijevanja vodom stanovnika naselja u istočnom dijelu općine Cazin, zahvatanjem vode iz bušenih bunara izbušenih u blizini potoka „Pivnice“ u općini Cazin; izdano od strane Kantonalnog ministarstva poljoprivrede, vodoprivrede i šumarstva Unsko-sanskog kantona pod brojem: 08-25-6931-UP-1/04, dana 10.01.2005. godine, u Bihaću,
- Rješenje, kojim se investitoru, KOMUNALNO-STAMBENOM FONDU OPĆINE CAZIN, daje odobrenje za izgradnju prve faze vodovodnog sistema „Ljubijankići“, uključujući izgradnju tri tlačna cjevovoda, pumpne stanice „Pivnice“ i rezervoara „Šehiti“, na zemljištu označenom kao k.č. broj:

4, 5, 76, 631, 632, 633, 637, 638, 648, 652, 653, 655, 656, 658, 671, 882, 886, 890, 923, 924, 930/1, 933, 934, 935, 937, 957, 961, 962, 971/1, 972, 1053 i 1055, sve parcele k.o. Ljubijankići (podaci novog premjera), a na osnovu tehničke dokumentacije – glavnog projekta izrađenog od strane ovlaštenog pravnog lica „NEW WAY“ DOO CAZIN (knjiga 1 – 5), pod šifrom: 88/04; izdano od strane Odjeljenja za urbanizam i razvoj Službe za urbanizam, katastar, stambeno-komunalne, geodetske i imovinsko-pravne poslove Općine Cazin pod brojem 05-23-3521/04, dana 11.01.2005. godine, u Czinu (kopija),

- Odluka o davanju saglasnosti za proces prenosa prava upravljanja na vodovodnom sistemu „Ljubijankići“ zajedno sa tri tlačna cjevovoda, pumpnom stanicom „Pivnice“ i rezervoarom „Šehiti“ sa Javne ustanove „Komunalno-stambeni fond“ Cazin na Javno komunalno preduzeće „Vodovod“ d.o.o. Cazin; donesena od strane Općinskog vijeća Cazin pod brojem 01/V-31-10277/12, dana 31.07.2012. godine, u Czinu (kopija),
- Rješenje o vodnoj dozvoli, kojim se daje vodna dozvola Javnom komunalnom preduzeću „VODOVOD“ d.o.o. Cazin za zahvatanje vode na izvoru „Ljubijankići“ putem zahvatnih građevina – bunara sa pumpnom stanicom koji su izgrađeni na zemljišnim česticama označenim kao k.č. broj: 3/2, 6, 7, 8 i 9/2 K.O. Ljubijankići, kapaciteta Q=80 l/sec, a za potrebe snabdijevanja vodom za piće potrošača (stanovništvo i privreda) na području naselja istočnog dijela Grada Cazina; izdano od strane Agencije za vodno područje rijeke Save Sarajevo pod brojem UP-I/25-3-40-036-9/20, dana 09.06.2020. godine (kopija),
- Opći akt o održavanju, korištenju i osmatranju vodnih objekata i postupanju u slučaju kvara ili havarije; urađen od strane JKP „VODOVOD“ Cazin pod brojem 5-43/10, dana 16.09.2010. godine (kopija),
- Glavni projekat vodovod „Ljubijankići“, Knjiga 2, pumpna stanica „Pivnice“ – projekat izvedenog stanja; urađen od strane NEW WAY“ d.o.o. Cazin pod brojem 01-P/10, dana 02.02.2010. godine, u Czinu (na uvid, vraćen pri izvršenju uviđaja na objektu),
- Projekt izvedenog stanja, KNJIGA 1 – BUNARI B1 I B2, Vodovod „Ljubijankići“ – izvorište; urađen od strane „NEW WAY“ d.o.o. Cazin pod brojem 02-P/11, dana 02.03.2011. godine, u Czinu (na uvid, vraćen pri izvršenju uviđaja na objektu),
- Rezultati provedenih istraživanja na izvoru Ljubijankići za potrebe definiranja moguće količine eksploatacije i sanacija izvorišnog prostora; urađena od strane Instituta za hidrotehniku Građevinskog fakulteta u Sarajevu pod brojem elaborata HZ/D – 929, septembra/novembra 2009. godine (na uvid, vraćen pri izvršenju uviđaja na objektu),
- Izvještaj o izvedbi istražnoeksploatacijskog bunara PEB-1 Pivnice, Ljubijankići, Općina Cazin; urađen od strane FIL.B.IS d.o.o. Zagreb, januara 2003. godine, u Zagrebu (na uvid, vraćen pri izvršenju uviđaja na objektu),
- Kopija Izvještaja o ispitivanju vode (mikrobiološki i fizičko-hemijski), broj: 4433/23 urađen od strane Zavoda za javno zdravstvo Unsko-sanskog kantona dana 28.04.2023. godine (uzorak uzet na izvoru Ljubijankići),
- Kopija Izvještaja o ispitivanju vode (mikrobiološki i fizičko-hemijski), broj: 4902/23 urađen od strane Zavoda za javno zdravstvo Unsko-sanskog kantona dana 12.05.2023. godine (uzorak uzet na izvoru Ljubijankići),
- Kopija Izvještaja o ispitivanju vode (mikrobiološki i fizičko-hemijski), broj: 3052/23 urađen od strane Zavoda za javno zdravstvo Unsko-sanskog kantona dana 24.03.2023. godine (uzorak uzet na izvoru Ljubijankići) - rezultat ispitivanog uzorka ne zadovoljava zahtjeve mikrobioloških ispitivanja prema Pravilniku o zdravstvenoj ispravnosti vode za piće (Escherichia coli, Ukupne koliformne bakterije i Enterokoki),
- Zaključak o visini i roku za plaćanje posebnih troškova, izdan od strane ove Agencije pod brojem UP-1/21-3-40-228-2/20, dana 11.06.2023. godine, te kopija naloga za plaćanje istih,

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak izvorišta „Ljubijankići“ i tom prilikom je sačinjen zapisnik o uviđaju broj: UP-1/21-3-40-228-3/23 od 15.06.2023. godine.

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće:

- Izvorište Ljubijankići se nalazi podno naselja Ljubijankići, oko 15 kilometara udaljeno od Cazina. Locirano je uz nekategorisanu asfaltnu cestu za naselje Fejzagići. Čine ga bunari PB1, B1 i B2,

koji su izvedeni 2003. i 2004. godine (istražni radovi su vršeni na 8 bušotina, od kojih su navedene tri u eksploataciji).

- Izvorište se nalazi u dolini rijeke Pivnice, na nadmorskoj visini od 240 m.n.m., izgrađeno na zemljištu označenom kao k.č. broj: 3/2, 6, 7, 8 i 9/2 K.O. Ljubijankići. Kapacitet izvorišta iznosi 80 l/s.
- Na samom izvorištu je izgrađen sabirni rezervoar, koji se puni vodom potopnim bunarskim pumpama:
 - PB1 (probno-eksploatacioni bunar) – izveden 2003. godine, konačne dubine 82,5 metara, izdašnosti 50 l/s, opremljen potopnom pumpom „VOGEL“, kapaciteta 20 l/s, snage 35 kW, smještena na dubini od 30 metara,
 - B1 (eksploatacioni bunar) – konačne dubine 84 metra, izdašnosti 20 l/s, opremljen potopnom pumpom „VOGEL“, kapaciteta 20 l/s, snage 18 kW, smještena na dubini od 30 metara,
 - B2 (eksploatacioni bunar) – konačne dubine 75 metara, izdašnosti 10 l/s, opremljen potopnom pumpom „VOGEL“, snage 5 kW, smještene na dubini od 20 metara,
- Zahvaćena voda iz sabirnog bunara se pumpa pomoću tri centrifugalne pumpe, kapaciteta 32 l/s, na rezervoar Šehiti. U rezervoaru Šehiti se vrši dezinfekcija vode, a potom snabdijevanje vodom 14 mjesnih rezervoara za vodu, ukupnog kapaciteta 2000 m³. Sa ovog izvorišta se vodom snabdijevaju naselja Ljubijankići, Donja i Gornja Koprivna, Skokovi, Stijena i Polje.
- Mjerenje zahvaćenih količina vode se vrši na svakom od bunara i na potisnom cjevovodu prema rezervoaru Šehiti.
- Rad pumpi je automatiziran signalnim kablom i plovcima u rezervoaru. Primjenjen je telemetrijski sistem nadziranja. Sistem je automatskim regulaciono-sigurnosnim ventilom P2000-17, DN 100 mm, PN 40 bar, proizvođača „BERMAND“, odezbijeden od vodnog udara.
- Nisu pribavljeni akti o građenju niti okolinska dozvola za predmetni vodozahvat. Pribavljeno je odobrenje za građenje prve faze vodovodnog sistema, uključujući izgradnju tri tlačna cjevovoda, pumpne stanice Pivnice i rezervoara Šehiti. Za potisni cjevovod je pribavljeno i odobrenje za upotrebu. Urađena je projektna dokumentacija, ali za samo vodocrpilište nisu pribavljeni akti o građenju.
- Pribavljeno je rješenje o vodoprivrednoj saglasnosti za kompletan vodovodni sistem Ljubijankići, koje je izdalo nadležno kantonalno ministarstvo 2005. godine.
- Općinsko vijeće Cazina je donijelo odluku o prenosu prava upravljanja na vodovodnom sistemu Ljubijankići na JKP Vodovod d.o.o. Cazin.
- Za predmetni vodozahvat je obezbijeđen videonadzor.
- Instaliran je sistem dezinfekcije vode prije puštanja iste u sistem napajanja. Redovito se vrši uzorkovanje vode na rezervoaru Šehiti.
- Za predmetno izvorište je urađen elaborat zaštite izvorišta, ali na osnovu istog nije urađena niti usvojena odluka o zonama sanitarne zaštite izvorišta vode (zaštićene zone se nalaze na teritoriji dviju općina, Cazin i Bužim) za piće čime je pravno lice koje upravlja vodovodnim sistemom prekršilo odredbe Pravilnika i dovelo u opasnost očuvanje kvalitativno-kvantitativnog režima samog izvorišta.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnih objekata i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa članovima 48., 64., 66 i 116. stav (1), članom 117. Zakona o vodama («Službene novine Federacije BiH», broj 70/06) i članom 13. i 14. Pravilnika o sadržaju, obliku, uvjetima načinu izdavanja i čuvanja vodnih akata.

Tačka 3. dispozitiva Rješenja je propisana u skladu sa tačkama 4. i 27. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opće i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu naprijed navedenog, a uzimajući u obzir i činjenicu da se radi o postojećem objektu koji je u funkciji vodosnabdijevanja pitkom vodom stanovništva i privrede grada Cazina, rješenje je kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obrađivač akta:

Ahmet Smajlović, dipl. inž. arh.

Po ovlaštenju

Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- JKP „VODOVOD“ d.o.o. Cazin, Lojička bb, 77 220 Cazin,
- AVP, ISV –Vodna knjiga
- Sektor 50
- Sektor 40, arhiva
- oglasna ploča AVP Sava